

四明叢書

張宗祥



下通

凡十
四卦

人人

人中之卦繹曰天人也曰平三才位也故首上通人人人曰理位三才也故首下通壯閑純而

不中助齊中而不純純器極中莫喻於理數往知來天地之交皆十之三比於咸恆思過半矣

理莫眾而迷一羊三牧其羣彌稀

繹曰三才就緒惟人曰理三人爲眾莫眾

而迷公聽生明也三牧羊稀眾政生擾也

原曰理理之也莫眾而迷不用獨也三牧羊稀貴分

職也當位以應中正而通理之用大矣哉天地以理

和四時聖人以理和萬物君子以理和其身

衍曰理之言和何也曰經綸有辨繭成文章律呂若

淆音不肉好故離者麗也睽者合也異者同也理者和之原也嗚呼非深達禮樂之情者烏乎知

上重捕鳩釋生各有譽於小人

釋曰人在上而動理而過焉者也捕鳩釋生所

死實多欲以廣仁祇以取吝譽小人君子弗由也夫胎卵不牲數罟不入宿鳥不弋前禽不驅釋之生矣何用爲捕

原曰捕鳩釋生志末也

主中重德正中業文明格於上下元亨

釋曰人當位而動理不足言也

故曰正中曰文明曰格於上下元亨

原曰格於上下養盛也養盛則格不格迺有理焉格

無爲理有迹太上以格其次以理

下重其棲於扉悔買庸決寶

釋曰其棲於扉水災也人
在地而動之象也買庸決

齊居下位者
理當如是也

原曰買庸決寶下不過事也

統重剋肉而醫欲理疾先作疾凶

釋曰天地皆人人
事勝矣於此交動傷於

理矣剋肉而醫何如勿
理作疾之凶不循理也

原曰剋肉而醫失理道也

說曰君子操人事以勝天行救衰持盈道莫過於

理理者人心自然之天理觸事而動事事自有條

理如引絲於繭千尋萬緒不過卽此繭絲取理於
心百經千曲不過卽此天理君子以吾心之理出
之爲品節之禮綱舉目張等殺序別截然不紊使
天下曲直以赴之消熒戾忤曲之夫爲廉遜敦讓
之俗卽有陰進之小人其何以亂天下哉晏子稱
禮可以止亂仲孫以周禮在魯魯未可取禮之用
大矣禮有大體故輕釋鳩禮貴謹始故譏決寶禮
在自然故戒作疾惟正中以完吾心之天理而文
明山焉則元亨矣

地人天

小暑之卦

蹇吝勿蹇迺有尙

釋曰天地易位曰蹇人力無施是以吝人位得當終有尙也

原曰蹇時艱也天地易位艱甚矣人得中而不能反

宜其吝也識之蚤反之力其勿蹇乎

上重水熟於火其蹇亡

釋曰地動天上水克火也人金其中不克反熟其蹇亡幸乎天

也

原曰水熟於火火勝也水勝火而勝於火故君子貴

所以勝之者

主

中重克蹇破其金凶

釋曰人中地天金開水火象也中重克蹇而過也破金凶水未

熟而火
先滅也

原曰破其金凶克蹇不可激也

下重雷震轟於天

繹曰天居地位雷復地中也下重震轟雷天大壯也是月也土潤溽暑大

雨時行

原曰雷震轟於天蹇斯通也

統重一人煬於竈門不見其蹇凶

繹曰克蹇惟人通蹇有漸中人一動已破

其金三重俱動或煬之門矣竈夏所祀也蹇主所設也不見其蹇凶可知也蹇象爲平反蹇義與泰反不平不泰蹇是以凶

原曰煬於竈門其光掩也

說曰世之喪亂聖哲馳驚而不足君子能人而不能天豈遽有神謀天能以破天下之蹇乎蚤見者君子之能事耳濟蹇之道在腹心手足主伯亞旅同志一德協和聯衷以共肩大鹿修人事以待天運而已知熟火之妙則勝者克其勝心知破釜之凶則忿者釋其忿衷遜志併力以翼天樞待時而奮雷震昭蘇亨屯爲泰曷蹇乎雖然草莽艱難之君臣則神脈易通晏安暇裕之上下則金鑄每隔統之戒煬竈也恐其安以忘危出乎蹇者入乎蹇

也

地天人

大暑之卦

讓舌遇齒則止利承貞齒弊舌存

釋曰天人避地而下之爲讓舌陽也遇齒

則止讓陰也利承貞謙尊而光卑而不可踰也齒弊舌存謙受益也陰方進用不讓胡爲惟讓反益

原曰讓陰進而上行不可禦也是以舌遇齒則止讓

之也利承貞不失正也齒弊舌存終則有益也凡讓

之道自上下下凡讓之益其益無方

上重隘中伎功凶

釋曰天居地位小人乘器也隘伎之凶邪動辱也

原曰隘中伎功不能下也

主中重不自異不自高讓美角巾無咎釋曰天居人位德中正也中止
辭之動何高異也遙彼碩膚角巾身自無咎矣陰進乎上陽角則折有忍乃濟無踰讓美
是爲卦生

原曰讓美角巾無咎哲保身也噫草生於岸風先摧之魚潛於淵網罟不及故自異者不異自高者不高讓美者成美

衍曰或問天何以讓地也曰小人之器梢也可上也不可下也君子之器雲也可聚也亦可散也兩物敵而美敝兩人競而善萎彼既不顧矣讓美角巾非天

疇望之

下重漁人漁遇鷸蚌相持一收兩利

釋曰地天交鷸蚌象也人在下漁人

象也鷸蚌相持不讓也一收兩利動爲漁有祇益他人也貴讓哉

原曰一收兩利以相持也

統重蒼梧丙納婦殊色令治兄棲凶

釋曰讓不過三統車之讓過讓也婦

治兄棲讓入中禮是以凶

原曰讓婦於兄不如無讓也豈惟讓哉直可無於證

父廉可無於離母孝可無於割股忠可無於兵劫智

可無於如防信可無於抱柱何也用中故貞已甚反

戾

說曰讓其天地之美德乎四時退以相序入音遜
以成樂五色虛以待加神器之重非一夫之舉也
扶輿之廣非獨力之運也法制度數之煩非寸心
之徧也是以虞夏殷周之世平土讓於稷契明允
讓於咎旂虞師讓於朱虎寅清讓於夔龍尹讓一
德周讓碩膚豈其懷怙自用杖一人之才術以蔽
上帝之臣逆天地之性必不然矣是故齒不可決
中不可隘讓美所無咎也師師濟濟羣工太和小

人何以漁君子哉然所謂讓者道大容人功崇不
居非當事首鼠容容全軀不顧國家之急是不知
命之過也季札以遜國生亂劉虞以逃位折足陶
謙以避守失名太阿授柄老馬戀豆昔人之譏梧
丙也多矣

天地

立秋之卦

比利取女勿商比生女戎

釋曰二陰進而附一陽爲比利取女柔順剛也勿商比剛

不可窮柔也溺生女戎是比禍也

原曰比附也二女同居而順乎剛是以利取女也雖

然剛一而已勿商比遠矣哉

主辭

上重威比謹嘖笑石無罅吉

釋曰一陽駕二陰而動威比象也嘖笑而罅威

如吉

也

原曰嘖笑亦謹宜無罅也無罅若石宜其吉也罅其姦之門乎知幾者塞罅彼昏者開罅

中重來比依依薦蘿附枝若木衣貞吉

釋曰薦與女蘿二柔也附枝若

衣動思比也柔乘剛而來比動不以正也故貴貞吉

原曰來比貞吉得中也

下重牽比困於衣縛不克脫凶

釋曰來比若衣猶以貞吉牽比困縛能無凶乎

原曰困於衣縛柔道牽也君子定其在我者其於牽
比若破利斧矣何縛之爲

統重角比木射麋及其子折我弓

繹曰角木比而成弓
比象也射麋及子過

動也折我弓
戒過動也

原曰射麋及子窮力也

說曰仁者以萬物爲一體遊心於天胞何物不容
何物可著豈有所私比於其閒乎比言其相協以
濟也夫言比矣不若戒女矜謹嚙笑衰困縛悼折
弓比之美中重一詞而已比不言比而戒比何哉

人所能自信者肝膽耳目而已人則異矣人心不
同有如其面知人則哲惟帝艱之人情險於山川
隱於城府圓轉喻機浮雲擬變佞似忠詐似信巧
似拙險者近智狂者近直五觀不易窮也六術不
能盡也九徵不足竟也一不察而人焉沒身已矣
溺於水猶可救也溺於人不可拯也君子繕性禔
躬求當於隱微元始之地特立獨行邈世無悶苟
寸心之不迷則師友造化麗澤山川星辰風雨供
筆札之使令品彙草木爲吟諷之朋儔披六籍而

聖哲我親覩七略而賢哲爲徒仰止千秋神交六

合奚取私比耶

人地天

處暑之卦

否流火胎寒思寒不寒

釋曰天地反覆爲否天下人地流火也七月流火九月授衣胎

而思也

原曰否剛失位而下行而柔得中其道否也有流火

胎寒之象焉思寒不寒順天也至哉思乎毋謂方火

而忽寒幾於治矣

辭主

上重否之若累卵無咎

釋曰天地倒置而人據其上否可知也動而否之有其否